

帝
京
景
物
略

帝京景物畧

卷之五

西城外

高粱橋

極樂寺

白石莊

惠安伯園

真覺寺

萬壽寺

雙林寺

大佛寺

利瑪竇墳

慈悲寺

摩訶菴

釣魚臺

皇姑寺

慈壽寺

海淀

黑龍潭

溫泉

法雲寺

帝京景物畧

遂安方逢年——定

麻城劉 侗

修

宛平于奕正

高粱橋

水從玉泉來，三十里至橋下，荇尾靡波，魚頭接流，
夾岸高柳，絲絲到水，綠樹紺宇，酒旗亭臺，廣畝小
池，蔭爽交匝，歲清明，桃柳當候，岸草遍矣，都人踏
青，高粱橋輿者則蹇，騎者則馳，蹇驅徒步，既有望。

擣至則棚蓆幕青。毬地藉草。駢妓勤優。和劇爭巧。
或有執竿、觶斗、唢喇筒子、馬彈解數、烟火水嬉、扒
竿者、立竿三丈、髹而綠其頂、舒臂拔竿、通體空立、
移時也、受竿以腹、而頂手足張、輪轉移時也、啣竿
身平橫空、如地之伏、手不握、足無垂也、背竿髹夾
之、則合其掌、拜起于空者、數也、蓋倒身忽下、如飛
鳥墮、觶斗者、拳據地、俯而翻、反據、仰翻、翻一再拆
至二折也、置罔地上、可指而仆爾、翻則穿一、以至

乎三身、僅容而圜、不動也。豈案焉、去于地七尺、每
所據而空翻、從一至三、若旋風之離于地已、則手
兩圜而舞于空、比卓于地、頂膝互掛之、以示其翻
空時、身手足尚餘閒也。唼唼者、播撥數唱、諧雜以
譚焉、嗚哀如訴也。筒子者、三筒在案、諸物概藏、示
以空空、發藏滿案、有鴿飛、有猴躍焉、已復藏于空
鏡耳、非幻也。解數者、馬之解、二十有四、彈之解、二
十有四、馬之解、人馬并而馳、方馳、忽躍而上、立焉

倒卓焉、鬣懸躍而左右焉、擲鞭忽下、拾而登焉、蹶而腹藏焉、鞦而尾贅焉、觀者、岌岌、愁將落而踐也、彈之解、尤空二三、及其墜而隨彈之、疊碎也、置九童、負彈之碎矣、童不知也、踵北、反身彈之、移踵則碎、人見其碎、不見其移也、兩人相彈、尤適中、遇而碎、非遇、是俱傷也、烟火者、魚鱉鳬鷺形焉、燃而沒、且出于溪、屢出則爆、中乃其兒雛、衆散、亦沒、且出、烟燼滿溪也、是日、游人以萬計、簇地三四里、浴佛

重午游也亦如之

公安袁宗道暮春游高粱橋卽事○弱柳晴無烟
空翠開清潯長堤三十里波影隨行驂雕弓簇
小豎舊衫逐冶男西山如螺髻萬黛滴僧藍姬
歌度細縷酒氣生烟嵐亮母出窺人菱蒲綠藍
蓼時聞鶯流語的的似江南

華亭董其昌四月八日集高粱橋○人天皈佛日
風土紀皇都水坐疑修禊腸行或賜醺花茵調

怒馬珠彈起樓鳧、誰識迷虛者、高明混酒徒、

公安袁宏道浴佛日遊高梁橋○節是祇園會、謹
同曲水池、妖童歌串亂、天女髮花隨、是樹皆停
蓋、無波不泛卮、魚龍與角觝、樂事看君爲、

暮春復遊高梁橋○東風織溪面、細緯疊春羅、
長波將人影、直直入宮河、一萬樹垂楊、無枝不

繫珂、聞貴馬嘶風、挾彈曉前過、清藍如梵峯、朱
碧鮮且多、微沙障西山、羅穀中青娥、隨陰卽開

席酒傾若洪波歸路及嚴更門尉稍譙呵憲令
禁肩簾醉卒控疲輿

游高粱橋○花時晴色釀芳原、出郭猶如出檻、
猿霧質風稍、新柳縷、斂皮瘦、骨老藤根紅、雲尾
變知魚熱、碧纈紋繁、覺水溫、耳聽碧流、心翠嶺、
閒談恰已到山門、

江寧顧起元高梁橋○路轉柳橋曲、河連杏渚長
半天分樹色、兩地起花香、望入朱樓隱、行宜翠

憶張何期 帝城咫尺到滄浪。○紅樹人家
滿。春風載灑塵。夕靄留露葉。秋開柳天絲。吹沫
魚兒小。搏花燕子疑。青郊多景良。幽谷日遲遲。
○步屨綠楊郊。東風雪乍消。秋園僧寺靜。心逐
酒帘飄。十里藏鶯樹。一灣走馬橋。誰能在朝市。
假卽過花朝。

高梁橋○初夏風吹麥穗寒。柳花纔放杏花殘。
高梁橋水鱗鱗碧。直似江南雨後看。

蒲田林堯俞夏日集高梁橋禪寺○行行西出郭
暑氣入林消。飲馬初逢澗。聽鶯忽度橋。趁陰移
野酌。過午見歸樵。酒渴思清磬。山僧適見招。○
一逕隨流水。天剋到寺門。故碑前代碣。新主舊
名園。山雨來花氣。松風送鳥言。淹留未遽返。暝
色下高原。

公安袁中道高梁橋○覓寺何辭遠。逢僧不厭多。
一泓春水疾。十里柳風和。香霧迷車騎。花枝拂

綺羅半年塵土色，滌浣此清波。

宜城丘垓高梁橋，○香風十里 帝城阿，吹向春

郊。聲態多，歷歷鶯猶生短笛，飛飛蝶似試輕羅。

天垂柳色雲情綠，水入花光藻影葩。到處酒茵

圍藉草，正愁車馬亂笙歌。○不信春無一事忙。

填闌兒女只新粧，高裁羅髻雲過人。遠試尊樽

水各方。柳葉將眉分野綠，花枝着眼掠人香。烟

光如此無君醉，虛負東風到野棠。○芳林鳥語

帶烟柔、淺水新蒲、亂綠晴、蹀躞鵲鞍嘶草埽、
翻細袂、轉花毬、
艷開野席、驕三婦、香送青盤出、
五侯、步履不妨隄去、遠閒懷、試一飭沙鷗、

華亭汪曆賢高梁橋○郭外身閒心亦寬、燕將出、
子杏將殘、千條濃碧、春之季、一水吹光、暮則寒、
乍識遠山俱可徑、政憐疎雨不成看、女如雲、對
花如雪、老此他鄉、客未難、

京山王應翼高梁橋○灣堤春暖柳絲齊、鶯撒柔、

聲馬、撒蹄、幾道、艷光、紅紫、過落花、香被、繡裙、携、
○槐暗、桑穠、叫杜鵑、林中、綠惹、一身、烟、春尋、趁、
未春、歸候、尋到、西山、深處、還、

長洲、邵彌、遊、高粱、橋、○彼美、都人士、出郭、清明、遊、
高梁、橋、西、畔、柳、軟、莎、亦、柔、各、携、朱、累、坐、飲、啖、彈、
箏、篴、又、入、水、邊、寺、又、登、柳、邊、樓、誰、家、高、輿、過、隨、
從、皆、驂、駟、回、策、妙、如、漆、錦、鞵、紫、韃、鞞、誰、家、俠、少、
年、使、酒、睨、公、侯、箕、踞、古、道、邊、閃、閃、白、雙、眸、我、踏、

芳芷去、獨爲清溪留、坐看花影水、遠人而、
山陰柳人曾春日、高粱橋○東風徧綠宮、
外遊人各羣友、伏闕難陳方朔書、當壚且醉、
姬酒、城上烏飛曉報鐘、如雷車馬九衢通、日臨
雙闕輝光動、雷接千烟下上濃、鄉雲瑞日照畿
甸、半照琳宮半梵殿、年少肩摩西向郊、眼紗影
裏佳人面、燕趙佳人本自多、吳粧越釧耀輕羅、
北地胭脂妍兩靨、南都石黛澹雙蛾、買花滿頭

髻紅紫。戴入杏花楊柳裏。裝讓林花花。讓人莫
看橋頭看橋水。平頭奴子控青驄。大袖長巾身。
滿風。弱女護裙遮小袂。妖童攬袴出輕紅。車車
馬馬高梁路。日色不明塵作霧。主第侯家燈火
繁。錦衣扶醉無儀度。暮鼓鼙鼙競向城。蹇驢難
避殿訶聲。寒空月作憐人色。故入書帷不放明。
吳縣葛一龍清明日高梁橋看柳○喧喧出座路。
春向郭西尋。千樹舞千態。一絲牽一心。帶黃初

照日雖綠未成陰。小酌聊相命。風光醉客深。
平湖陸啓法。高粱橋。○不知楊柳綠。一片滿高粱。
沙岸迷城勢。山光入水鄉。遠心隨野去。望影得
春香。獨往清明後。無人喧夕陽。

歙縣汪逸人日集高粱橋試春。○佳時直得半城
虛。橋影將携幾客初。暖氣已催冰暗解。東風如
擇柳先噓。清尊野地相譁處。紅袖長隄送目餘。
七日春逢天色好。游人誦入史登書。

縣城李中孚高粱橋看走馬○桃花珠勒撒花裝
柳新屋生百鳥藏爲祝健兒身手好燕支夜月
負霜

江范文光高粱橋○城邊一水結羣清柳外平
橋度紫綢無限春風都肯盡不意帝有是清流
華亭朱源遊高粱橋○輕軟纖弱纈丹樓開船晨
晨臥岸搖光潯拂無生塵鳥懷茂林倦流清難
隱鱗西嶂青一方遙堤圍耐春

晉江黃景昉宿高粱橋○白露先秋迥自傷漫遊
強半在高梁因騎禿馬尋僧舍爲送歸鴉上女
牆雨過雲山如黛染天深草木已清涼無聊此
夜宜狂醉恐有愁人欲夢鄉

桐城姚文烈春遊高粱橋○春光非雨色岸岸柳
垂垂游女分車馬都人競鼓旗紫紅橋下影塵
白道傍枝節序關心目歸歟適所宜

極樂寺

高梁橋水來西山澗中。去此入玉河。辭山而平。未到城而深。輕風感之。作青羅紋。紙痕。雨水夾一堤柳四行。夾水。松之老也。禿梅之老也。禿柳之老也。逾細葉而長絲。高梁堤上柳高十丈。拂堤下水。尚可餘四五尺。岸北數十里。大抵皆別業。僧寺低昂疎簇。綠樹漸遠。青青漠漠。間以水田。界界如雲脚。下空。距橋可二里。爲極樂寺址。寺天啓初年猶未。

殿也。門外古柳殿前古松。寺左國花堂牡丹。西山
入座。澗水入厨。神廟四十年間。士大夫多暇數
游。寺輪蹄無虛日。堂軒無虛處。袁中郎黃思立云
小似錢塘西湖然。

新野馬之駿遊極樂寺。○振衣來郭外。噴寂自茲
公。稍取入林路。遂逢歸嶺雲。空原有燒色。淺草
澁波文。作意秋聲好。悲高若有聞。○非因幽賞
愜。安得旅情降。紆徑寺藏圃。登樓山滿壑。啼猿

難禁亂歸鳥。間爲雙所貴。神無累。清酣仿佛時。
○人歡好風日。地復免塵沙。南客愛臨水。北僧
難具茶。石斑留曉露。村側接餘霞。招撫看春事。
農樵各有家。

臨川丘兆麟遊高梁橋極樂諸寺○寺觀參差出
山溪掩映間。塔尖全蔽日。林隙稍窺山。俗與僧
租勝。朝從野貸閒。盛游資好友。盡日得開顏。

太倉王衡寓極樂寺○灣灣綠水帶城陰。白日青

十一
連雙樹林、萬疊雲山、千里夢、六時鐘磬、五更心、
寒燈、貝葉翻香、蠹春日、簷花坐語、禽隨意、竹牀、
葵菜好、經簾不捲、法堂深、

江寧顧起元極樂寺○遲日郊原景物繁、愴然人、
坐給孤園、松垂佛殿雲從入、花落經牀鳥自翻、
靜倚鳴琴、清白晝閒、因揮麈、狎清言、紅塵冉冉、
長溪外、塵蹤高城、曉柝噴、

京山王應翼極樂寺○于以蓮龕佛、柳行、豫遊真、

喜值春晴，携來新茗。如雲巖穿入垂楊，有坐鸞
近水佛舍花鳥氣。到門僧了木魚聲。誰探幽僻
調清梵，一路清溪宛宛明。

斲水官撫辰極樂寺○古泉無宿水、古柳無強枝
游望渺攸屬、金碧生其姿、門柳不更闢、徑泉不
更池、色然堂國花、日僧律所持、游人有時去、魚
鳥閒知之。

白石莊

白石橋北萬駙馬莊焉。曰白石莊。莊所取韻皆柳。柳色時變。開者驚之。聲亦時變也。靜者省之。春黃淺而芽綠。淺而斜。深而眼。春老絮而白。夏絲迢迢。以風陰隆隆。以日秋葉黃而落。而墜條當當。而霜柯鳴于樹。柳溪之中。門臨軒對。一松虬。一亭小立。柳中亭後臺三。系竹一澹。曰夾閣。柳環之。臺後池而荷。橋荷之上。亭橋之西。柳又環之。一生竹籬內。

堂三楹，松亦乳。海棠花噴朱絲，亦竟丈。老槐雖孤，其齒尊，其勢出林表。後堂北，老松五，其與槐引年。松後一往爲土山，步芍藥牡丹園，良久。南登鬱岡亭，俯翳月池，又柳也。

曲周劉榮嗣遊白石莊。○野園宜秋色，蒼况夕。○
○睡松青新沐雨，槐古直搔雲。竹牖池光合，石樓
山翠分。風前歌管細，吹向月中聞。

涼州吳惟英白石莊看牡丹。○尊酒邀清賞，名園

迥不羣。雨枝苔上綠。風朵錦迴文。入幕香初散。
移鐙影乍紛。留春堅客住。絲竹說殷勤。

漳州張熒游白石莊○乘隙西出郭。高柳覆淪漪。
徑開山窺檻。亭空竹作籬。豐年庾氏玉。爽氣習
家池。魚過斷萍匿。風先弱線披。酒深催韻急。坐
滿接言遲。奢矣花兼石。繁哉竹與絲。溪鷺鷥不
下。峰晚霧將垂。略訂辭花出。來當未謝時。

山陰張學曾白石園看牡丹○爲愛藥欄勝。句中

一再來、分香、妝閣、照、擇、圖、几、瓶、栽、朶、朶、初、方、蕊、
垂垂、今、正、開、憐、春、如、此、候、展、轉、不、能、回、

爽閣○踈雨偶然過、青山晚近人、全憑高閣爽、
共仰月華新、樹轉尊、臨、影、花、愁、暗、處、春、客、喧、無、
一醒燈火、覺、相、親、

杭州阮泰元白芷莊○還聞龍孫長碧鮮、高臺迤
出蔚藍天、雖、多、老、幹、似、槐、後、略、種、各、花、佐、柳、妍、
山缺恰當高、樹補池深雅得芰荷先、主人爽一

如亭間不用笙歌促酒筵。

順天王嘉謨白石橋○紛紛石橋路、西山野望初、
中流白鷺起、兩岸綠楊疎、泉貯圓仙籟、鐘鳴隱
佛廬、所嗟塵市遠、不得更踟躕、

冬日白石橋柴老家醉中作○白石橋頭路、蒼
然松樹林、清霜飄敗葉、丹黃滿幽岑、高山粲然
開、迢遙果幽尋、最有野人共我趣、一尊宛轉留
人住、白酒初熟滿村香、大雪纔消天未暮、被肘

老拾遺。拙辭醉淵明。家去却迷路近遠。山行惟
覺身欹傾。北風冽冽催酒力。古道枯枯澹客情。
客去難爲主人意。上馬已辭下復醉。茅店荒雞
時一鳴。歸途戀戀依空翠。

惠安伯園

都城牡丹時，無不往觀惠安園者。園在嘉興觀西二里，其堂室一大宅，其後牡丹數百畝一圃也。餘時，蕩然藁畦耳。花之候，暉暉如日，不可極步，不勝也。客多乘竹甕，周行塍間，逡而覽觀，日移晡乃竟。蜂蝶羣，亦亂相失，有迷歸逕。暮宿花中者，花名品雜族，有標識之，而色蕊數變，間着芍藥一分以後先之。

公安袁宏道惠安伯園亭看牡丹○古樹暗房櫳、
登樓只辨紅、分明將匝地、含藏欲挾空、蝶醉輕
銷、月爲梢、展絮風、主人管一世、身老衆香中。

惠安園亭看白芍藥○僊葩亦自喜、櫻唇嫩紫
妖紅總不如、澆瀕水、麟睛、光器、
初誇多、屢向交遊述、迺述類金好事書、是我眼
怪嘆未有主人、兀只比葵蔬、

惠安伯園芍藥開至數十萬本聊述以紀其盛

素贈主人○看罷南徐紫錦堆、紅亭暮雨又催、
開、旋心縷子紛難識、莫、取、難、傷、舊、譜、來、○雪色
玲瓏照地華、飛觥走兕疾如車、等閒倒却春三
寶、未了東軒一角花、○百千新艷一時開、那遣
花妖不下來、好與扶筇枝上去、花頭處處有樓
臺、○花、勲、難、樹、亦、難、酬、灸、雪、洗、風、老、未、休、給、與
掃花十萬戶、靈芳國裏古諸侯、

嘉興許貞默張宛亭招集惠安園看芍藥○幾遭

澄江見不替、西山爽氣接衣來、
豪家臺榭饒荒苑、
貴第交游盡酒盃、
蜚蜚蝶迷香十畝、日舒鷗鷺
對錦千堆、
昇平物象變、
點舊莫作樓頭王粲哀、

眞覺寺

成祖文皇帝時、西番板的達來貢金佛五軀、金剛寶座規式。詔封大國師、賜金印、建寺居之。寺賜名眞覺。成化九年、詔寺準中印度式、建寶座、累石臺五丈、藏級于壁、左右蝸旋而上、頂平爲臺、列塔五、各二丈、塔刻梵像、梵字、梵寶、梵華、中塔刻兩足跡、他跡陷下、廊萃耳、此隆起、紋螺若相抵躡、是繇趾着跡湧、步着蓮生、燈燈談就、月滿露升、法界

藏身斯不誣焉。按西域記五塔因緣。拘尸那揭羅國。卽中印土。娑羅林精舍有塔。是金剛神躡地處。

次側一塔。是停柩七日處。次側一塔。是阿泥樓陀上天告母。母降哭佛處。次一塔。是佛涅槃般那處。次側一塔。是佛爲大迦葉。波現雙足處。又按曾祇律。亦五塔因緣。云塔有舍利者。支提。無舍利者。凡八起塔。千佛生處。得道處。轉法輪處。佛泥洹處。菩薩降辟支像。佛像。佛脚跡處。得安羣。蓋供養。上者。

洪養佛塔下者俱養支提也寺因緣者寺因山水緣賢聖熏脩也塔前有成化御製碑曰寺址上沃而廣泉流而清寺外石橋望去繞繞長堤高柳夏繞翠雲秋晚春初繞金色界

仁和張瀚晚春集真覺寺○郭外春猶在花邊坐落暉柳深鶯細細桑密鷺飛飛一水金光動千林紅紫微徘徊香滿地約馬緩將歸

金壇王樵登真覺寺浮圖○古寺不知年松竹無

近趣老僧摘春芽，龍鐘坐高樹，客影碌碌然，步
 步追春天。石閣三層上，金剛五座連，御家賜出
 西菴樣，白日搖光動，僊掌故見雙，默隱法身，隨
 人結想如來像。

臨武曾朝節真覺寺○塔黃山翠色，交人客清樽。
 曉日登峯樹，秋光匝水村。法輪空界出，人語半
 天噴。高柳堤無盡，終朝立寺門。○兩足尊遺教，
 五枝辭大虛。因緣人境外，悲仰佛天初。金鑊堂

番像香花護寶書、繞旋餘覽耽。
安陸何宇度真覺寺塔○五落森森、
遠形雲雙關迥、綠樹萬行齊堤、
去雁低、長安此淨域、山水滿城西、
遠傳蜩急、天空

亳州朱宗吉真覺寺○隔水對幽地、春光處處逢、
一燈懸古殿、雙樹出疎鐘、塔燦層臺迥、林陰曲、
逕重、望來殊不盡、多半暮雲容、

固始余延吉游真覺寺○古刹僧俱寂、閒房花木

湖雲風過竹、蘿月影移松、萬鐸天然籟、三回、
定後鐘、將燈旋五塔、林鳥向人衡、

願天釋性柔、禮真覺寺塔、○稽首五梵塔、具五大、
因緣、因緣中印土、五微妙光旋、忖的達西來、願
力弘人天、建彼世界法、于此世界邊、梵寶及梵
華、梵宇半滿全、中現雙佛足、踵趾輪相同、如大
地湧出、如半空中懸、如親詣佛國、依戀我佛然、
我皇締造心、同我佛心傳、我拜我心淨、四山

朝暮經

萬壽寺

慈聖宣文皇太后所立萬壽寺在西直門外七星
廣源間之西萬曆五年時物力有餘民已悅豫太
監馮保奉命大作雖大作役不踰時公私若無
聞知中大延壽殿五楹有羅漢殿各九楹後藏經
閣高廣如中殿左右韋馱達摩殿各三楹如中傍
殿方丈後輦石出土爲山所取土處爲三池山
三大士殿各一三池共一亭簡云萬曆十六年

上幸寺尚食此亭也山後圃百畝圃蔬彌望種蒔
擇樹長數十偪寺成賜名萬壽萬壽者文武吏
士商旅井陌燕私之誦聲四十八年如一日也寺
之制大學士張居正奉詔撰其詞曰惟昔建興
徵錫民民有疾苦如在其身嶽嶽大麓轉輸弘
敷毘盧光明大千仰照佛力浩衍君亦如然共以
悲智濟彼顛連瓊函貝葉藏之天府以頌皇慶
自我列祖沿及我皇躋民極樂祇奉慈命

復軫民瘼。毋煩將作。乃發帑儲。鳩工庀材。龍宮蔚
如。翼翼峩峩。有截其所。仰侔神造。備職淨土。凡斯
鉅麗。前武之繩。聿追來孝。旋觀厥成。景命有僕。永
錫純嘏。既相烈考。亦佑文母。慈保天子。億
萬斯年。本支百世。螽斯綿綿。先是文皇帝鑄大
銅鐘。侈弁齊適。舒而遠聞。內外書華嚴八十一卷。
銑于間。書金剛般若三十二分字。則鑄歟。點畫波
捺。楚如。礪如。刺。復如。書楷其筆法。必沈度宋克。

也。向藏漢經殿。於是勅懸寺。日供六僧。擊之。每擊八十一卷。三十二分。字字皆聲。是一擊。實華嚴一轉。般若一轉矣。內典云。人間鐘鳴。未歇。墮地獄衆生。刑具暫脫。此間也。天啓年中。鐘不復聲。置地上。古色沉綠。端然遠山。

公安袁宏道萬壽寺觀文皇舊鐘○先皇舉手移天轂。無冠少師鬢髮禿。已將周孔一齊州。更假釋梵庇冥族。鐘沙畫蠟十許年。冶出洪鐘二

千龍光如寒潤、膩如肌、貝葉靈文、生動筆簡古、矯若游龍、與期鶴外書、儼母寫六
宮、內寫雜花八十軸、金剛般若七十二、幾葉鎔
屑填不足、南山伐盡、覓懸樵、諸葛厠前、川古木
展開善法、忉利宮、撼窮饒、網蓮花、欲興湖龍去
幾春秋、二百二回宮樹綠、蒸雲炙日、臥九朝、監
寺優官、誰敢觸、大材無用、且沉聲、吠蚓啼蟲、清
山谷、今皇好古、錄斷溝、琬琰天球、充黃屋、十

龍不惜出禁禁萬牛同首移山麓滄海老霆行
舊令維陽遺考聞新目西山但覺神好潛易水
不問金人哭道傍觀者目相摩車騎數月猶馳
逐翠色蒼寒欲映人言將良匠豈天竺萬事盡
踈誰不然今人
萬鬼如聞離機
出溝瀆

同安池顯方萬壽寺鐘○洪鐘金質五石備衆踴

端盤蒲牢悲原爲晨昏與夢人但有聲聞無字
義文皇轉輪大願力上承祖位扶佛日華嚴
法門深似海鈴鐘中邊如鐫刻經之所餘補諸
咒端楷分明非篆籀萬靈阿護不輕鳴忽然鯨
吼震宇宙先皇神武偃征戰所過羣黎日遷
善盡洗黃塵懺宿愆神道設教開方便字畫無
相化音聲欽哉一聲一部經胡爲八萬四千塔
阿育猶須神鬼成

景陵胡恒萬壽寺鐘○先皇願力超人天，鑄金鑄
鐘蛟龍鍾，一擊淵淵震大千，十萬八千靈文全，
我踏春烟春寺前，中官指入桃花煙，拜手摩挲
魂悄然，滿字半字彌中邊，金火結成筆墨祥，神
工非冶亦非鑄，九牧貢金大地然，持比貝葉孰
脆堅，心心有佛薪火傳，萬壽寺鐘日月懸。

吳縣沈孟萬壽寺 文皇御鐘○文皇功成已大
賞，銷兵作鐘聲，四塞老矣少神前，制衣不書太

常銘鼎鼐。此鐘身被蓮花篇。皇以鑄之。超人
天。峰如閤中。若空谷。齊心一默。三百年。鐘唇葉
葉。秋崖覆。說盡經文。但一叩。高枕山光。得玉音。
委身風雨。生銅繡。鐘乎一起鳴。盛時若有修者。
聞而思。不然。聲海八十一。近在城西人不知。

南昌樊良樞萬壽寺觀華嚴鐘。○香閣慈雲卷萬
峰。秋聲演梵發華鐘。鯨魚擊水霜前應。雉雉依
林日未春。不向景陽空黛色。却隨清漏濕芙蓉。

無邊海藏華嚴宗、蝌蚪靈文擬是龍、

番禺林養棟觀萬壽寺鐘○制自三朝遠聲從萬
斛來、龍文掀寶藏、雷震下高臺、日中天起、驚
山應律回、怖聞生愛慈、心竊寂然開、

莆田林堯俞萬壽寺○十里廣源路、一林閑士家、
洪鐘來禁苑、清梵散春花、洞窈觀雲入、蘿生著
石斜、寺成全、帝力民共拜烟霞、

宣城吳伯與過萬壽寺○嵯峨天闕逼、直直閣陰

層輪轉千尊佛堂齊萬壽僧全經鐘作韻細楷
字如蠅坐對雲堂語清傳日午燈

清州張熒萬壽寺○大千蔭蓋法雲廻萬壽同聲
萬姓垓深院鼓傳雷洊至隔林鐘報海潮來巒
危近寺斜窺洞樹古穿籬別有臺千葉蓮華輪
許大祝釐遙對尚方開

西域雙林寺

萬曆四年、西竺南印土僧左吉古魯、東入中國、初
息天寧寺、後過阜成門外二里溝、見一松盤覆、趺
坐其下、默持陀羅尼咒、匝月不食不動、僧耳環手
鉢、紅罽衣、蒼紫面、而亂髮、古達摩相也、畢長侍奏
之、賜織金禪衣、賜日齋萬僧、賜酥燃燈、賜松地居
焉、賜寺名西域雙林寺、聞禪二性宗、相宗、學二見
地、行地、經二論、部律、部法、二攝義、折義、攝受義者、

示現哀憫。折服義者。示現忿怒。二義。一義也。忍與
不忍爲根。慈亦大慈之賊。其爲梵相。粹異。正爾低
眉垂手矣。寺殿所供。折法中。三大士。西番變相也。
相皆裸而跣。有冠有裳。有金瓔珞。吼象獅。各出其
月下。中金色。勇猛丈夫也。五佛冠。上二支。兩汗鈴
下二。跌而坐。左右各藍色。三目彩眉。耳旁二面頂
鬘。二首。乃髻。首二項。腰各周以鬘。而帶以蛇。左
象鼻耳。角牛也。三十二臂。一十六足。中二手交抱。

彌、髻、半、額、而、鎚、取、其、腦、其、三、十、手、所、執、械、號、者、旗、
旛、鼓、鈴、瑪、瑙、者、牌、金、火、輪、馬、縛、者、繩、繫、者、極、杵、殺、
者、刀、叉、鎗、劍、鈇、鉞、弓、矢、焉、其、所、執、殘、身、頭、手、足、肉、
骨、血、淋、淋、皆、新、其、有、陳、者、彌、髻、也、足、左、踏、皆、若、鳳、
右、踏、皆、若、馬、各、有、人、金、冠、合、掌、腰、復、承、之、其、一、人、
兩、手、拍、捧、而、悲、也、右、魔、王、鬼、神、像、也、其、耳、環、一、十、
八、臂、而、四、足、下、二、交、而、托、十、四、仰、而、托、托、皆、葛、巴、
刺、碗、左、之、碗、盛、菩、薩、右、盛、虎、獅、象、駝、犀、海、馬、三、色、

焉葛巴刺碗者解頂顱骨而金絡。瓣稜尖如蓮房
也。足踏人四色。前仰後伏之殿壁所徧繪亦十方
。今示現忿怒尊者像也。有韞人革其面爪趾
。尊者有倒絡人首而爲纓。踏髑髏口而爲鏤者。首
。其人面首若獺而狐兔雉墨者。有尸三。穿有戟
三首。實者有方。噉人半身而披髮垂于吻者。其計
令瞻而衆怖。思而猛省。歟。忿然變像。烏斯藏每貢
之。曰馬哈刺佛寺後一土山。山前一塔。傍皆朱櫻。

質時火齊鞋鞵的的灼灼、繞塔懷山、寺東興教寺
成化二十一年建、以居大興法王、結幹領占者西
昭應宮、元至元建也、龜蛇兆焉、正德八年修蛇、復
馴出赤質黑章、金文爛然、大學士費宏碑文記之
西又二里、三虎橋、亦曰神虎橋、橋四石虎、萬曆中
其一虎夜逸、曉得之田間、北去橋一里、不更返也、

臨武曾朝節雙林寺○繫馬今雙閣香臺正曉鐘
叩關尋碧洞、到塔撫青松、梵像慈何怒、凡情悟

在恭、但懷舒望眼、天際翠千重、

泰和蕭士瑋西域雙林寺○慈像居然戰鬪場、佛
魔同異亦荒唐、啖嘗不破虛空觀、踏踐能乘勇
猛方、火色朱櫻雙樹外、濤聲翠栢一燈傍、如斯
降、伏、如、斯、住、悲、仰、無、量、鐘、磬、長、

利瑪竇墳

萬曆辛巳歐羅巴國利瑪竇入中國始到肇慶劉
司憲某待以賓禮持其貢表達闕庭所貢耶蘇像
萬國圖自鳴鐘鐵絲琴等上啓視嘉歎命馮
宗伯琦叩所學惟嚴事天主謹事國法勤事器筭
耳瑪竇紫髯碧眼面色如朝華旣入中國襲衣冠
譯語言躬揖拜皆習越庚戌瑪竇卒詔以陪臣
禮葬阜成門外二里嘉興觀之右其坎封也異中

國封下方而上圓方若臺圯圓若斷木後虛堂六角所供縱橫十字文後垣不凋篆而旋紋脊紋螭之岐其尾有紋蝶之矯其鬚旁紋象之卷其鼻也垣之四隅石也杙若塔若焉附左而葬者其友鄧玉函函善其國醫言其國劑草木不以質咀而蒸取其露所論治及人精微每管中國草根測知葉形花色莖實香味將遍嘗而露取之以驗成書未成也卒于崇禎三年四月二日按西賓之學也遠

二氏近儒。中國稱之曰西儒。嘗得見其徒而審說
之大要。近墨爾。尊天。謂無鬼神也。非命。無機祥也。
稱天主而父傳教者也。器械精。攻守悉也。墨也。墨
廼近禹。今其徒。晷以識日。日以識務。晷分不足。夜
分取之。古之人。愛日惜寸分。其然歟。墓前堂二重。
祀其國之聖賢。堂前晷石。有銘焉。曰。美日寸影。勿
爾空過。所見萬品。與時併流。

景陵譚元春過利西秦墓。○來從絕域老長安。分

得城西土一棺。斫地呼天心自苦。挾山超海事。
非難。臣將禮樂攻人。無別有聰明用物。殘行盡。
松楸中國大。不教奇骨任荒寒。

慈慧寺

萬曆己丑黃南充輝是入詞林其詞翰見天下時
其友趙僧愚菴自蜀弘法北上曰京城內外巨刹
四事之奉甲東土而釋子問法至者無弛擔所乃
募建寺檀施半出宮中壬寅寺成賜名慈慧安
像安藏安十方僧單十方僧供而愚菴飲水戢蕉
其中若客然陶祭酒望齡乃撰寺碑南充乃書寺
周匝列大樹墻百堵亂砌石曰虎皮墻隨其奇角

塊塊巒巒、龍鱗虎斑。寺後有閣，供辨檀佛。南充手
定、環、範、鑄成，居然瑞像也。蜘蛛塔碑，非非碑、金剛
塔碑，皆南充書。蜘蛛塔者，南充誦金剛經次，一蜘蛛
蛛絲案上，正中立，向佛而伏，蹍之，盤踞復來，就前
位伏。南充曰：聽經來者，爲誦經終，爲說情想因
緣。竟蜘蛛寂然矣。舉之而輕，視之遺蛻耳。以沙門
法龕之，塔之，碑之。

夷陵雷思誦慈慧寺留別魏肖生水部魏叔伯太

史○去○去○影○將○別○携○携○到○竹○林○繞○階○窺○塔○宇○翻○
衲○聽○僧○砧○井○鑿○虛○空○出○堂○開○古○佛○臨○遲○回○車○馬○
側○日○落○帝○成○陰○

新野馬之俊郊行至慈慧寺○愁每過閒晝茲行
趣不稀鳥廉容果熟蝶懶看花飛近郭烟逾厚
逢林日暫違桔槔羣力盡天意忍終違○路以
曾游習情隨獨往新園盛僧八口燈火佛三身
茶靜候當午荳花香微旬爾時眠食事不覺有

旁人

丹陽賀世壽陪董思白王而弘劉胤平過慧慧寺
○儒釋俱尊宿、人天狎主盟、未論空有味、祇覺
遠凡情、燈傍蓮千葉、寒飛磬一聲、空求心地靜
塵尾自縱橫、

華亭董其昌慈慧寺次賀中冷韵○鶴臯方丈室
初地結新盟、花雨翻空界、松濤雜梵聲、小叅如
後語、宴坐閉關情、樓閣重延眺、千峰積翠橫、

漳州王志道慈慧寺次韵○先朝花雨地、此日重
尋盟、一刹老僧定、三過學士情、食時香鉢供、參
禮法螺聲、羨爾蒲團上、掩經看月橫、

懷寧劉若宰慈慧寺次韵○一髮須多愧、逢僧未
敢盟、津梁勞長者、飯食飽塵情、佛○默○經○何○語○鐘○
寒○寺○有○聲○幸○容○余○弟○子○一○座○獨○當○橫○

公安袁彭年辛未榜後同池直夫譚友夏遊慈慧
寺○五嶽遠能平、相携一笑生、出郊無數武登

閤見遐情離國鄉中夢。瓶盂定裏聲。老僧神炯
炯。往事說來驚。○是我童遊處。四朝雲物更精
藍。仍傍維講席。已疑兵馬寄。要離暫。現依智顗
誠。英雄佛弟子。人外結深情。愚菴翁寒熊尚書

千寺左

麻城李中孚慈慧寺○力力蹄輪苦。來窮入世因。
梵音驚俗耳。松響發比隣。機息鳥嚙供。悲生鐘
報晨。先人曾展跡。留照委餘身。

摩訶菴

近市焉。非菴所也。近名焉。非僧事也。遠之而後可。
有游者。爲招尋計矣。菴近不欲市。遠不欲山。僧高。
不至聖。卑不至僇。郊外菴。韻中僧。聊可娛耳。阜成
門外八里之摩訶菴。嘉靖丙午建也。高軒待吟。幽
室隱讀。柳花榆錢。松子飛燕。時滿院中。詩僧非幻。
琴僧無弦。與客耦俱。萬曆中。宇內無事。士大夫朝。
參公座。優曠濶疎。爲與非幻吟。爲聽無絃琴。任斯。

菴也。淡日淡辰。蓋不勝記。留詩菴中。久久成帙焉。
菴有樓。以望西山。天啓中。魏璫過菴下。偶指樓曰。
去之。即日毀。自是人相戒。不過。僧日畏不測。漸迷。
死。菴則漸廢。東法藏菴。無絃別院也。西大乘菴。與。
摩訶菴。盛相類。衰相後先。

梁溪童佩摩訶菴。○入門幽事滿。春殿說無生。未。
下空王拜。先勞小朗迎。塔前開樹色。花外落鐘。
聲。却媿初來客。袈裟識姓名。

東阿于慎行暮春游摩訶庵聽無絃上人彈琴內
飲南園○暫過西郊寺。情知隱者賢。百花春夜
雨。一飯講堂烟。韻事樂醺醺。清時容醉眠。琴詩
聽卽好。爲以靜人傳。○別有幽園勝。偶來人自
幽。僧茶陪客酒。藉坐節林遊。雨色先驚幌。鐘聲
遠過樓。僕催歸路晚。晚更一宵留。

再遊摩訶庵因贈靜堂禪師○又憶同遊地。黃
花時節過。人行荒院怯。蟲語竹房多。一歲春秋

色。前期晴雨訖。閒難允去易。候月照婆娑。

入都再遊摩訶禪林。別。問。歸。無。恙。旋。來。叩。法。
堂。壁。題。存。姓。字。階。樹。闌。行。藏。覺。路。人。天。迥。春。輝。
香火長爾時京雒客。曾識雨花香。

無絃上人移住法藏菴。因聽彈琴賦贈。東薩
別時運卜筮。又成林。鬢。借。西。隣。影。鐘。依。前。日。琴。
何。新。非。佛。土。不。定。亦。禪。心。一。笑。松。陰。裏。瑤。瑤。客。
履深。

臨胸照琉璃同于宮。勸飲摩訶菴南園步至釣魚臺。
夜眺還宿法藏菴紀事。○如是招提境殊無衢。
陌塵雨過林尚滴。香雜苑猶春。木竹松歌鳥涼。
風爲酒人莫頻移坐榻。深惜此花苗。○蒼蒼望
不斷。小徑亦何深。未盡塵中務。難爲郭外心。如
雲千樹色。有日半山陰。漸與祇林遠。鍾邊無磬
音。○共此魚梁約。壺觴夜自携。野雲來坐冷。林
月向人低。烟帶遠山合。天將草樹齊。薄霜晞易

得。有路更前溪。

遊摩訶菴贈靜堂上人○落日坐良久、庭看綠
草滋、靜須琴入譜、飲待客成詩、風乍松杉住、雨
仍薜荔垂、老僧心未歇、向我訂前期、

無錫高攀龍摩訶菴○都城多所事、郊外意已歸、
西山豈不高、西堤豈不潔、去去數十程、毋乃轉
煩熱、修林無塵風、虛堂無氛月、湛湛止水心、端
若見超越、百營良有餘、庶以善自悅、

安陸何宇度遊摩訶菴○西山今且望菴隱嵩山
遊食自中宮供旛從內苑留高松低拂殿理石
亂成丘車馬迷塵鞅穿林始覺秋

大倉王衡摩訶菴贈無絃非幻二上人○客到驚
僧定始知堦草深遠山清榻夢空塔過城陰坐
對難酬韻牀橫未語琴勸君還此住門外正車
音○蘿長春成幄吾來信有年花前嘗茗客鐘
後乞齋綠風雨芭蕉紙晨昏栢樹禪幽居殊自

好長住磬聲邊、

順天王嘉謨摩訶菴間僧誦經有作○上國招提
七十五中間蘭若真難數茲地經行名宿多旃
罽香幢光日耀間看西郭塵悠悠梵唱淒涼高
樹秋月上僧寮鐘度閣塵中老未此中遊一宿
西菴便惆悵夢後心頭十年狀生身婚嫁少水
魚悲壯潛蛟泣春漲

夷陵雷思霈摩訶菴訪羅玉簡○春草西郊遍幽

棲靜者心。山烟旋佛頂。塔勢聳雲簪。桃片紛成
雨。松聲鼓作琴。遠思連社客。晴日幾登臨。○不
爲尋玄度。何緣入化城。徑迂祇樹隱。畦隔石橋
橫。老衲三春曝。荒亭一鳥鳴。看花惟看綠。處處
踏莎行。

南樂魏允中。午日過摩訶菴。訪無絃上人。○都門
兒女節。有客入祇林。萬物隆隆理。一城擾擾心。
水聲行處是。山色望中深。花事仍隨俗。葵榴供

素琴

江旻釋如愚摩訶菴同鄺然話舊○別來三十載
俱老壯時人庭樹欺簪短塔禽畏客新
稍留雲卧跡房掃舊題塵菴隱君昆季孤游念我身

武昌孟登摩訶菴○到來幽事滿春爲韻人青詩
有律非幻琴無絃可聽花期就已闌樹影半方
空只此歲郊近塵飛總不經

呂平韓四維再過摩訶菴○自是當年舊石菴雲

門又拜老瞿曇。曉天佛法花千樹。燕字鵲聲。
一函人立水光驚白首。亭亭山影。年年青嶺。隱金
再過心空地。坐看鐘聲影自悄。

慈谿馮爾葵宿摩訶菴○夜語夢回後。龍燈到曉
堂。衲依僧共老。鐘和鼓生忙。暗藥年深發。簷松
定際香。客懷慚鹿鹿。坐得數時忘。

柳縣薛嗣早春遊摩訶菴○幽僧開小院。殘雪在
諸峰。易老客中歲。難閒郊外蹤。行林看嫩草。繞

平陽府志此意惟吾與同藥曰終鐘

釣魚臺

近都邑而一流泉。古今園亭之矣。一園亭主。易一園亭名。泉流不易也。園亭有名。里井人俗傳之。傳其初者。主人有名。薦紳先生雅傳之。傳其著者。泉流則自傳。偶一日園亭主。慎善生之。名聽土人游聽游者。出阜成門南十里。花園村。古花園。其後村。今平疇也。金王鬱釣魚臺。臺其處。鬱前玉淵潭。今池也。有泉湧地出。古今人因之。鬱臺焉。釣焉。釣魚。

亭以負元丁氏亭焉。因土濶以名其亭。馬文友亭
焉。酌焉。醉斯舞焉。飲山亭。婆婆亭。以自名。今不臺
亦不亭矣。堤柳四垂。水四面。一渚中央。皆置一榼
水。置一舟。沙汀鳥聞。曲房人遠。露花一架。水紫一
方。自萬曆初。爲李皇親墅。

寧都董越遊釣魚臺。草堂掩掩。路逶迤。客到殊
無林鳥知。科斗池塘春水滿。牛羊町疇夕陽遲。
沙深綠草皆侵岸。紫蔓紅歌儘護籬。先後開游

多歲月、細看、題、牖、蠹、餘、詩、

公安袁宏道重九日登釣魚臺○卧榻侵官道長
堤接古墟宮斜十里粉畫壁一枝蘆白果將垂
砌紅蕉半掩廬僧貪茶具廢興發酒旣虛怪鳥
鳴空院寒花伴野蔬塔前雲沒岫牀下水平渠
淨業蓮花社鄉思柳浪居道玄唯有髮中散竟
無書去矣雲中鵠知之濠上魚

臨胸馮琦釣魚臺○翳然林水處便自遠人寰麥

隴髡雙沒藤軒蝶四環高低春水深淺夕陽
山坐憶垂竿叟高蹤未可攀。處處堪垂釣誰
家長閉關櫺多偏近水雲薄更宜閒。語扶踈
藁人踪杳露間日斜仍策馬太遲野鷗閒。

臨武曾朝節遊釣魚臺○古蹟臺亭處荒泉新一
亭迂隨幽逕碧虛台遠山青隱栢先周匝汀鷗
亦隱冥旅情虛弄釣款乃向來聽○高臺誰釣
客今古嘆居遊酒入荷香細歌深樹影稠臺空

方里色。池浸一天淨。更道東林勝。沿溪步步。
○愛此園林。儼清涼足。共棲稻田溪上下。松嶺
殿東西。水日明臺榭。山雲擁路溪。定知塵市久。
相與憶招提。

順天王嘉謨釣魚臺○尋幽耽遠慰蒼顏。古木頽
然落日殷。白髮未多容我拔。青山無遠望身閒。
荒寒倚策門三逕。薄暮持竿水一灣。漁父何人
徒仰止。幾年塵鞅笑間關。○秋滿西山午不開。

空漣涼水靜香。露初乾。風葉遞平。點。蕭瑟風條。
隱古臺。綠有魚。紅鷺。家。寒。頻看。鴈。蒼。遠。得。徊。中。
原。極。目。情。懷。賦。釣。罷。分。魚。易。酒。杯。

皇姑寺

皇姑寺 英宗睿皇帝復辟建也。正統八年 駕出紫荊關親征也。先 陝西呂尼廵 駕諫行日不利。上怒叱武士交捶尼。跌坐以逝。及蒙塵虜營數數見尼。妮妮有所說。時時授 上餅餌。 駕返居南宮。數數見尼。妮妮有所說。復辟後 詔封皇姑建寺。賜額曰順天保明寺。或曰隱也。如云明保天。厚焉。後殿祀姑肉身。跏坐。愁容一媼也。萬曆初

年像未飾以金。夏猶熱雨。姑著繡帽。製自宮中。殿
惡天順手勅三道。廓繪已巳北征之圖。今寺尼有
髮。紫巾。緇方袍。男子揖。

山陰王應璩皇姑寺。香。香。行。指。若。留。臺。古。徑。苔。
多。侵。草。藥。秋。入。律。燈。疎。雨。歇。香。垂。尊。勝。梵。音。閒。
老。尼。肅。客。衣。冠。獨。在。事。候。忠。夢。寐。回。靜。磬。嚴。鐘。
塵。界。外。等。閒。啼。鳥。不。曾。來。

南海梁隈皇姑寺。靜入雲房村路綠。客來惟有

聲相傳、南塔、肅立、來天栢、四座、端開、湧地蓮、
火未、灰香、篆結、風幡、不動、法、鐙、燃、何須、更訊、寒
巖木、十載、曾聽、阿母、禪、

山陰王驥德皇姑寺○先皇曾北伐、切語叩前旌、
定、入、龍、飛、後、神、隨、御、輦、行、法、原、無、怖、畏、國、自、報、
功、各、弘、願、兒、孫、福、燒、香、過、此、生、

慈壽寺

萬曆丙子 慈聖皇太后爲 穆考薦冥祉 神
宗祈胤嗣、卜地阜成門外八里、建寺焉、寺成、賜
名慈壽、勅大學士張居正、撰碑、時瑞蓮產于慈寧、
新宮、命問臣申時行、許國王錫爵賦之、碑勒寺
左、寺坯朽丹漆、與梵色界諸天、與龍鬼神諸部、爭
幻麗、特許中外臣庶、畏愛仰瞻、有永安壽塔、塔十
三級、崔巍雲中、四壁金剛、振臂拳脅、督眈據路、

有氣者。有如此。叱。有聲。天寧寺隋塔墓也。中延壽
 後寧安閣閣肩。慈聖手書。後殿奉九蓮菩薩
 七寶冠。鑲坐一金鳳九首。太后夢中菩薩數現
 授。太后終。曰。九蓮經。覺而記憶。無所遺忘。廼入
 經大藏。乃審厥象。範金祀之。寺有僧自言夢或告
 曰。太后菩薩後身也。

東阿于慎行慈壽寺新造浮圖。○鳳首蓮華九
 品標。十三層塔表。出。堯德先胎教人天母道。

坤寧海嶽朝勢挾珠林雄禁苑影分銀漢挂樹
霄羣生福果緣慈佑輦盡黃金此地、

臨胸馮琦登慈壽寺閣○慈壽人間誦非惟仗法
筵樓標香象伏塔影玉龍懸咫尺九陵樹摩
挲萬井煙滿衣香不散知是近諸天、

南光黃輝秋日過慈壽寺○仁慈藹墟烟西爽遙
來屬松門晝不扃野徑紆晴綠秋聲下蒲團月
影數竿竹茶烟暝歸禽鐘響散樵谷開士無一

言客靜自相宿

仁和卓明卿慈壽寺○梵剎凌青漢幡幢接碧蓮
法王開寶地慈后布金年畫壁光常寂神燈
影倒懸臣民瞻大士聖壽與綿延

蘭溪姜應甲登慈壽寺閣○風葉下層塔因傳鈴
鐸聲祝延猶聖母微闢望西京夜灑九蓮竟
秋觀六穀成太平五十載民誦厥初生

景陵鍾惺二月十五日出郭集慈壽寺○若是南

方地鶯花事欲闌。今年直最晚。只作早春看。新
水分水半。孤烟出樹難。堤楊黃可必。池草碧無
端。務寡客譚永。道高僧步安。游期從此數。節物
爲人寬。

山陰王忠任游京西慈壽寺○聖母黃金鑄佛臺
神羊八里絕纖埃。如何塔樣傳無縫。是看湘南
樹影來。

海淀

水所聚曰淀。高梁橋西北十里平地出泉焉。漚漚、
四去、漚漚、草木澤之。洞洞磬折以參伍爲十餘莫。
漚北曰北海淀，南曰南海淀。或曰巴溝水也。水田
龜坂、溝、騰、冊、冊、遠樹綠以青青，遠風無聞而有色。
巴溝自青龍橋東南入于淀。淀南五里丹陵淀，淀
南陂者六，達白石橋與高梁水併。淀而西廣可舟。
次武清侯李皇親園之，方十里正中挹海堂，堂北

亭置清雅二字。明肅太后手書也。亭一望牡丹
石間之芍藥間之瀕于水則已。飛橋而渡橋下金
鯽長者五尺。錦片片花影中驚則火流。朗則霞起。
汀而北一望又荷蕖。望盡而山。劍鋌螺盪。巧詭于
山。假山也。維假山則又自然真山也。山水之際高
樓斯起。樓之上斯臺。平看香山。俯看玉泉。南高斯
親。峙若承曉。園中水程十數里。舟莫或不達。嶼石
百座。檻莫或不周。靈壁太湖錦川。白計。喬木千計。

竹萬計、花億萬計、陰莫或不接、園東西相直、米大
僕勾、園百畝耳、望之等深、步焉則等遠、入路、柳數
行、亂石數堦、路而南、陂焉、陂上、橋高于屋、橋上、望
園一方、皆水也、水皆蓮、蓮皆以白、堂樓亭榭、數可
八九、進可得四、覆者皆柳也、肅者皆松、列者皆櫟
筍者皆石、及竹、水之使不得徑也、棧而閣道之、使
不得舟也、堂室無通戶、左右無兼徑、階必以渠、取
道、必渠之外、廊其取道也、板而檻、七之、樹根槎枒

二之砌上下折一之客從橋上指了了也下橋而
北園始門焉入門客懵然矣意所嚮窮目目所暢
窮趾朝光在樹疑中疑夕東西遠也東望一堂忽
啓北窓稻畦千頃急視幸日乃未暮歸而登公台
山過海淀曰李園壯麗米園曲水李園不勝李園
不酸西園之北有橋曰婁光橋一曰西勾
順天王嘉謨海淀偶題○燕市塵塵影無人驚日
斜半程西郭地一水隔山家荒竹抽高筍野桃

報晚花、丹青多殿閣、只此似京華。○植杖林壑、
外、栖遲不自期、十年更地主、一日偶山陲、湖濶
鴈鳬靜、風過香氣隨、未衰詩酒業、閒賞稱清時、
○寂寞無人選、門開庭亦閒、高原臨甕牖、平楚
接柴關、野曠秋依樹、湖清月在山、悠然羣熱鳥、
朝去夕俱還、○朝來迎曉立、昨夕未成詩、樓樓
寒初捲、琴尊日不辭、泉香生草色、雲暖發花枝、
不必逢漁父、滄浪果在茲、

海淀西勾橋上作○微風何澹澹楊柳陰重圍
遙遙石梁前春水蕩清波空谷無聲獨行望
雲微寒芳自可藉蜩鳩新成東宮美樹其
下花芳其都市無吾事寄賞幸不違踵步豐林
間宿雨隨人飛長歌振岐路捐佩向村歸

海淀巉光橋上觀魚信步西行境益清勝○淵
淵溪水中青蒲葉靡靡翳然林木間幽懷果予
美香草光波瀾山梁留文雉拔蒲自濡足蒲根

芳且吉，可以佐餼糧。吾何事未耜，尋幽復遠涉。
濟勝矜自喜，夕陽忽西流。平湖白烟起，慷慨成
一詩。行歌出山市。

海淀三聖祠前作○新祠峻路帶前途，十里草
生春不孤。憶我有鄉迷處所，坐看雨氣出西湖。
海淀望西山○西山吾夙好，水竹幸爲隣。晴日
蒼烟在，青苔古樹新。雀勤雛尚穀，燈報客愁人。
巖壑朝將往，丹稜洗可津。

海澱暮雨○閣望漠未已雲橫山足高晚花濕
平楚低燕滿蓬蒿不寐愁今夜無人自濁醪幽
憂具燈火久久思林皋

景陵鍾惺四月三日楊修齡侍御遊宴海澱園○

燕地三四月江南二月時物色淹春寒此時方
妍淒豈日桃李後遂無鶯花期所以臨眺事首
夏正攸宜郭外自多勝城居豈得知泉石雖云
借盡日君有茲一座四方人趣不甚參差能使

孤衷士、酬對亦不疲。則知不草草於物。有調劑、
流峙周結構。爲君娛客資。物力苟據勝。山水亦
聽之。升席數則代。苔石凡屢移。清泛隨孤光。動
植沐晨曦。吁嗟綺麗地。情理生幽奇。

孟津王鐸游海淀李園○鶴鳴高樹巔。西山遠逾
霽。烟霞久板蕩。我輩來位置。轉攀石路駭。高亭
市弘闕。穿洞米乳滑。陰崖苔齒細。瘿松隨艇動。
鼓吹風菱厲。層巖側鏡中。鴻別燕獨至。波光漾

空綠稍窮蟠曲勢，
卽須遵大路。流雲戀衣袂，

曲周劉榮剛海流。李成晚園。偶出晨新雨，輕陰
到夕陽。浮青森石丈，深碧尚花王。計。武。俱。記。
分溪徑屢防，檻斜幽取複。荷淺近能香，泛涉疲
迂路。小休便斷梁，狎人魚競出。巢樹鳥深藏，繩
不容松直。離惟讓竹彊，平情疏雜卉。刻意及雕
牆。樓閣相爲影，烟嵐互有光。奇貪遊未已，餘醉

新野馬之駿集李戚畹園○闢地紆藏渚牽舟出
繞堤晴林涵盡側陰葉吐難齊絲竹聽知潤樓
臺互覺低水嬉非北事何遽習見鷺○清朝煩
物力遲日罄盤桓但作娛人想惟宜畧主看例
和花似怨羣散鳥纔安自是初遊好偏言續賞
難

吳橋范景文集李戚畹園○侯門矜壯麗別墅也
雕甍所有水邊竹爲存林下風苔花增石繡柳

影、觀、魚、紅、山、澤、非、無、勝、終、然、讓、此、土、○人、巧、爲、
山、水、要、令、情、性、俱、色、聲、香、互、發、紅、紫、綠、平、敷、密、
每、望、難、竟、踈、教、畫、可、圖、善、諫、坐、上、客、幾、處、勝、西、
湖、

嘉興譚貞默海淀李園看牡丹○十里紅塵遠、光
生碧浪池、石奇爭坐客、花煖妒羣姬、分橙成詩
靜、飛、籌、到、酒、遲、觴、餘、齊、水、榭、御、字、想、威、儀、

公安袁中道海淀李成畹園○百尺飛橋宛轉欄

聞香照影且盤桓，蹊邊忽遇三侯石。杖底盤溪
入節灘，野鶴止同家鷺狎。國花長作圃疏看，雨
餘山翠濃如滴。玄對還宜上露壇，○馬翎松覆
虎紋牆。夾道雕欄織畫梁，錦石三千呈翡翠。珠
樓十二繞鴛鴦，林端御木如留去。霧裏西山半
影藏，但喜追隨同沈謝。何知池館是金張，

沛縣園梅游李戚曉海流園。池潤風涼柳絮繁
船巧堆亭謝欲遠，僊牡丹一種餘千樹。海石雙

躑數百拳。天子留心增府庫。侯家隨意積金。
錢。知他獨愛園林富。不問山中有詞川。

福清葉向高過米仲詔勺園。○幽築藕花間。荆扉
日日閒。竹多宜作徑。松老恰成關。堤繞青嵐護。
廊回碧水環。高樓明月夜。筦爾對西山。

山陰王思任米仲詔招集勺園。○勺園一勺五湖
波。濕盡山雲滴露多。家在濠中人在濮。舟藏堅
裡路藏河。鷺鷥晚食分殘柳。菱芡新妝妬舊荷。

已見寓公諸品具，只饒春雨寄吟箋。

公安袁中道七夕集米仲詔勺園○題范園林勝
雖忙也愛遊，到門惟見水。入室盡疑舟，綦舄凌
香雪。尊罍映綺流，藕花猶自好。露下不知秋，

廬陵劉鐸九日勺園○盤盤磴路轉幽居，戶牖玲
瓏竹映除。採菊穿籬霜拂袂，登高舒嘯氣凌虛。
天開景物羅詩社，地敞風煙護酒壺。望望高原
秋正遠，白雲天際失吾廬。

貴州陳良楚九日勺園○節序驚心客思遐授衣
重此對黃花、大都海國皆皇甸、一勺園居自米
家、御苑晴看駭、柳映香山寒帶暮、雲斜天高向
夕空臺迥、掇掇茱萸暮正霞、

蒙陰公龔勺園○客意多生結構間、主人真自悟
清閒、亭臺到處皆臨水、屋宇雖多不碍山、敵海
淀、四番覆勝、月丹稜使往來環、再三游賞仍迷
惑、園記雖成數以刪、○十尺丹樓映綠蘿、橋經

路緯織如梭。花邊溪靜人依鷺。橋外舟迴竹動。
波。俗套盡除松樹壁。家兒解唱柳枝歌。憐余學
圃垂垂老。只愛山椒與水渦。

蕭山來斯行九日集勺園○九日事非禊。羣游少
長咸。引流看委曲。疊石詫巉巖。春在葉猶駐。荒
留草不芟。幽深難擬似。客記語俱凡。

黑龍潭

黑龍潭入金山口北八里未入金山有麓垣方門中綠樹幽曉望曖曖然新黃麓者景帝寢廟也

世宗謁陵畢過此特謁景帝易黃麓焉廟

初碧瓦也又北二里一丘一碑碑曰天下大師之

墓仁和郎瑛曰建文君墓也通紀稱建文自滇還

京迎入南內號曰老佛卒葬西山又北小山景景

小岡層層依岡而亦碧殿亦丹垣者龍王廟也廟

前爲潭幹四丈、水二尺、文石輪輪、弱荇縷縷、空鳥
云云、水有光無色、內物悉形、外物悉影、土人傳黑
龍潛中、曰黑龍潭也、夫龍而潭、淺居耶、龍潛初、

上謁陵還、瞻顧山形、觀其清泉、至蹕潭上、二十

六年、夏四月、旱太甚、遣正一嗣教張真人國祥、兆
潭而禱于龍、致雨澤如期、加護國勅號、碑勒之、

嗣是早禱輒應、輒復紀勒、今數豐碑、各碧瓦小亭
覆潭廟周、悲夫、龍出雲爲風雨矣、而潭淺居耶、

又北十五里曰大覺寺宣德三年建寺故名靈泉
佛寺宣宗賜今名數臨幸焉而今圯金章宗西
山入院寺其清水院也清水者今繞北閭出一道
流泉是

蘭谿唐龍黑龍潭○徘徊雲物態肅此黑龍隈魚
戴日深淺人將影去來禾香先報雨草怒欲生
雷○望世勤農事年年祀典陪○

睢陽袁樞黑龍潭○祠潭清見底窈窕歷朝封魚

荇新開錦苔萐老上松輕陰穿雨足薄日影山
峰。獵獵腥風起鐘鐃噪毒龍。

膠州張若騏黑龍潭○苑彼金山北潭有黑龍名
龍黑隱不見潭空一以清老農爲客言身見龍
形聲炎焊浴鱗甲拍潭四縱橫吼吟挾雷電雹
子下砰砰繞矯須臾間雨足禾苗生

金壇于鑾黑龍潭○淺潭一曲黑龍窩只共湖光
不共波縷起白雲纔蔽翳絲紛日雨足滄茫玉

泉、幻、入、禪、中、鉢、金、水、微、通、天、上、河、歲、歲、爲、勤、民、
祭、賽、碑、亭、林、立、詔、書、多、

順天王嘉謨北山大覺寺○石磴何年駐蹕臨松、
槐、氣、色、尚、嚴、深、晴、雲、十、丈、屯、寒、翠、飛、瀑、半、空、喧、
晝、陰、清、水、不、流、陳、粉、澤、靈、泉、習、聽、曉、鐘、音、盤、珊、
圯、閣、看、碑、碣、故、苑、風、光、無、可、尋、

溫泉

西堂村而北曰書眉山。產石墨色。浮質而膩。理入金宮爲眉石。亦曰黛石也。山北十里平曠良苗。溫泉出焉。泉如湯。未至沸時。釐而爲池。以待浴者。泉雖溫乎。其出能藻。能蠱。魚禾黍早成。早于他之秋。再旬。林後凋。草色久駐。晚于他之秋。再旬。資泉之民。無苦瘍躰。泉前數武有碧霞殿。單楹板扉。泉而東六十里大湯山。又一溫泉。再東三里小湯山。又

一溫泉

順天毛銳溫泉○泉到茲泉異溫然熱水富影峰
生暖地入魚竿秋禾一六合時變雖能怒性多
蒸然來浴者斯淨定如何

法雲寺

過金山口二十里、一石山鬚髯然、審視、疊千百石、小峰爲之、如筍、張籜、石根土被千年雨溜洗去、骨、瘦、瘦、不相掛藉、小峰屏簇、一尊峰刺入空際者、妙、高、峰、峰下法雲寺、寺有雙泉、鳴于左右、寺門內、甃、爲方塘、殿倚石、石根兩泉源出、西泉、出經茶竈、繞、中、雷、東、泉、出經飯竈、繞外垣、灌于方塘、所謂香水、已、金章宗設六院游覽、此其一院、草際斷碑、香水、

院三字存焉。塘之紅蓮花相傳已久。而偃松陰數
所。久過之。二銀杏大數十圍。久又過之。計寺爲院
時。松已森森。銀杏已皤皤矣。章宗云。春水秋山無
日不往也。

公安袁中道法雲寺○直北西山曲峰巒似劍錯
近。皴飛雨點。高嶺入星光。西水浸茶竈。東泉繞
飯堂。雙流鳴玉雪。滾滾赴黃梁。

華亭釋寶律法雲寺○山迴不見寺。仄徑有人迎。

峰黛皆過畫、花幽莫辨名、避炎穠樹合、催雨發
雲生、獨喜無塵事、流觀泯泯清、

法雲寺雨後作○亂雲穿日遠、猶雷納破當風
暝色催、閣道汎清叢、樹在欄門翻白捲、濤來僧
分飽、藿堅相坐、童摘初瓜濕未回、去爲新晴留、
爲暮無心偶、一宿山隈、